



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. IV. Præcipuæ objectiones solvuntur

[urn:nbn:de:hbz:466:1-77355](#)

nes imperata sunt propter finem, seu gratia finis: Ergo sunt ejus effectus. Minor probatur: Ideo enim voluntas imperat ceteris potentias, easque applicat ad operandum, quia intendit finem: siquidem illarum operationes sunt quedam media, quibus de facto obtinetur finis; finis autem debet movere non solum ad electionem, sed etiam ad usum & executionem medium, alias valde imperfecta est ejus causalitas: Ergo hujusmodi operationes imperantur a voluntate ex intentione finis, subindeque sunt propter finem.

38. Est tamen obiter advertendum, quod operationes imperatae, qua sunt a potentia distinctae a voluntate, non sunt effectus finis, prout egreduuntur a suis potentia (qua non possunt dirigere suos actus in finem formaliter) sed solum ut sub sunt motioni voluntatis, & ea mediante: quia sola voluntas est principium hujusmodi ordinis, ex cognitione & ordinatione intellectus quam presupponit.

S. IV.

Precipue objectiones solvuntur.

CONTRA primam conclusionem nullum occurrit difficile argumentum.

39. Contra secundam objicitur primo: Fieri propter finem est fieri ex amore finis: Atqui prima volitio non fit ex amore finis: Ergo non fit propter finem, nec per consequens est finis effectus. Minor probatur: Prima volitio est primus amor finis: Sed primus amor non fit ex alio amore, alias non est primus; & si alium supponeret, cum de illo adhuc idem queri posset, fieret processus in infinitum: Ergo prima volitio non fit ex amore finis.

40. Confirmatur: Ita se habet finis in practicis, sicut principium in speculativis; & consequenter velle propter finem in practicis, sicut ascendi propter principium in speculativis: Sed non ascendi primis principiis, propter principia: Ergo neque volumus finem propter finem.

41. Ad objectionem respondeo primo, negando Majorem: aliud enim est fieri propter finem, & aliud fieri ex amore finis; cum fieri propter finem non supponat aliud, prater ipsam finis bonitatem, aut ad summum causalitatem ipsius finis: fieri vero ex amore, supponat ipsum amorem & actionem voluntatis: unde ex eo quod prima volitio, seu primus amor finis, non fit ex alio amore praesupposito, non sequitur illum non esse propter finem.

42. Explicatur & magis illustratur haec solutio. Agere propter finem, est operari praesupposita motione finis: duplicitate autem potest finis movere ipsum agens; scilicet vel mediò desiderio & amore sui, ut cum ex amore finis movetur ad appetendum media; vel solum mediè cognitione sua bonitatis (bonitas enim rei cognita allicit & attrahit ad sui amorem) ut cum quis movetur ad desiderandum sanitatem ex cognitione bonitatis & convenientiae, quam sanitas habet in ordine ad ipsius naturam. Unde etiam agere propter finem, potest duplicitate accipi, nempe aut propter finem volitum & desideratum, moventemque ac finalizantem mediò amore & desiderio sui ipsius; aut propter finem cognitum, moventemque solum mediè cognitione sua bonitatis & convenientiae.

A tie, & non praesupposito aliquo desiderio & amore ipsius. Prima volitio non est propter finem primò, sed tantum secundò modo: unde non sequitur dari processum in infinitum, & primum finis amorem, alium priorem supponere, sed solum cognitionem bonitatis & convenientiae finis ad illum prærequiri.

Secundò responderi potest cum Salmanticensibus, primam volitionem fieri ex amore finis intransitivè, non verò transitivè. Sicut enim cùm dicitur accidentia operari in virtute substantiae,

B v.g. calorem in virtute ignis, reddiri constructionem intransitivam, ut loquitur Cajetanus, quia non est sensus quod agant per superadditam aliquam virtutem à substantia dimanentem, & in ipsa accidentia transiuntur; sed quod agant per ipsa, ut sunt virtutes à substantia emanantes, illique subordinatae: ita similiter cùm dicitur primam volitionem fieri ex amore finis, intransitivè verum est; quia illa volitio est ipse amor finis; non verò transitivè, ita quod supponat alium amorem. Unde

Ad confirmationem dicendum est, nos afferenti principiis, propter principia, si ly proper fumatur intransitivè, & dicat rationem objecto intrinsecam; verò enim illis assentimur propter veritatem & necessitatem ortam ex connexione terminorum, tanquam propter rationem formalem ipsis intrinsecam: fucus verò si ly proper transitivè accipiat, & denotet rationem formalem ipsis extrinsecam, & aliunde provenientem: quia sicut finis est per se appetibilis, ita & prima principia sunt per se nota, & à se veritatem & cognoscibilitatem habent.

Objicitur secundò: Finis non causat nisi quatenus est in intentione, ut docent Philosophi 2. physic. atque adeo ejus causalitas supponit intentionem: Sed prima intentio finis aliam priorem non supponit, ut patet: Ergo saltem prima intentio finis, ex ejus causalitate nequit procedere, nec per consequens esse illius effectus.

Hoc argumentum ex mera æquivocatione procedit. Intentio enim duplicitate fumatur: primo generaliter pro quacumque re qua habet esse in intellectu seu in apprehensione, non à parte rei: secundò specialiter pro uno actu voluntatis, qui versatur circa finem, cum respectu ad media. Quando ergo Philosophi docent quod finis causat, quatenus est in intentione, fumunt intentionem primò, non secundò modò; & solum volunt finem causare prout est apprehensus, & secundum esse intentionale quod habet in intellectu; quod licet non sit ratio formalis finalizandi, est tamen conditio necessaria requisita ut finis moveat appetitum, & suam causalitatem erga illum exerceat.

Objicitur tertio: Finis & media in ratione causæ & effectus correlativa sunt: Ergo finis ut causa respicit solum media, non verò actus qui circa ipsum versantur.

Respondeo distinguendo Antecedens: media sunt correlativa finis ut causa, inadæquatam, concedo: adæquatam, nego. Cum enim finis causalitas consistat in hoc quod est appeti & amari propter se, & propter ipsum alia, non solum exercet suam rationem & causalitatem in ordine ad media, que propter ipsum appetuntur, sed etiam in ordine ad actiones voluntatis quibus ipse appetitur: imò prius habet rationem & causalitatem finis respectu actionum quibus

43.

44.

45.

46.

47.

DE VLTIM O FINE HOMINIS.

quibus appetitur; quām respectu mediorum quae ad illum diriguntur; sicut prius est velle finem, quām dirigere media in illum, imo & quām cogitare de mediis. Unde cū D. Thomas 3. cont. Gent. cap. 75. ait causalitatem finis considerare in hoc quod propter ipsum alia desiderentur, non assignat causalitatem finis adæquatam, sed tantum inadæquatam: idem enim S. Doctor loco suprà citato ait, quod *sicut influere cause efficientis est agere, ita influere causas finalis est appeti, seu desiderari.*

48. Objicitur quartò contra tertiam conclusiōnem. D. Thomas hīc art. 1. ait quod omnes actiones humanæ sunt propter finem: Sed fructio seu delectatio de fine adepto, est actio humana, ut patet ex suprà dictis: Ergo est propter finem.

Respondeo D. Thomam intelligendum esse de actionibus humanis, que distinguntur à fine, & ponunt in numero cum illo: fructio verò, seu delectatio, aut quies in fine jam adepto, non ponunt in numero cum ipso fine; sed sunt veluti ejus complementum, aut corollarium, ut supra vidimus: unde sicut ipse finis non est propter finem, ita nec actus fructus, delectatio, nisi quietis in fine jam adepto.

49. Dices: Fructio, seu delectatio de fine consueto & posse, est verus actus voluntatis ab illa efficienter productus: Ergo est verè & propriè propter finem. Consequens probatur: nam ut suprà arguebamus contra Vazquez & Lorcam, cū finis sit prima omnium causarum, & agens non moveatur ad agendum, nisi motum à fine, omne quod habet causam efficientem, necessariò debet habere causam finalem.

Respondeo concesso Antecedente, negando Consequentiam. Ad probationem, distinguo illam propositionem: *Omne quod habet causam efficientem, habet causam finalem:* si id quod habet causam efficientem non sit ipse finis, concedo: si autem sit ipse finis, nego, quia finis ut finis non habet causam finalem: v. g. si aliquis ponet rationem ultimi finis in contemplatione, ille actus habet causam efficientem, sed non finalem, quia esset ipse finis: unde si compararetur ad objectum, compararetur ad illud sicut ad causam formalem extrinsecè specificantem, non verò sicut ad finem. Idem cum proportionē dicendum est in proposito.

50. Instabis: Voluntas delectatur de fine propter seipsum: Ergo delectatio voluntatis est propter finem.

Respondeo distinguendo Antecedens: si ly propter dicat causam formalem, concedo: si dicat causam finalem, nego. Solutio est D. Thomas loco suprà laudatò.

51. Objicitur ultimò contra quartam conclusiōnem. Quamvis actiones brutorum diriguntur à Deo in finem sub ratione finis, non possunt tamen dici effectus finis; quia ut sunt à brutis non tendunt in finem formaliter, ut patebit articulo sequenti: Ergo similiter quamvis actiones potentiarum externarum, ut sub sunt motioni & imperio voluntatis, dirigantur in finem formaliter, quia tamen ut procedunt ab ipsis potentias externis, non tendunt in illum, non debent dici effectus finis.

Respondeo concesso Antecedente, negando consequentiam & paritatem. Ratio discriminis est, quia cū actiones sint suppositorum, hoc

A ipso quod voluntas dirigit actiones potentiarum externarum in finem formaliter, potest agens illas actiones eliciens denominari operans propter finem formaliter: nam ad hoc sufficit quod in agente sit aliqua potentia, quae dirigit illas in finem formaliter. Hæc autem ratio non habet locum in brutis: quia in illis nulla est potentia quae dirigat ipsorum actiones in finem formaliter. De quo, articulo sequenti.

Quæres, an actiones necessariae homini sunt propter finem, seu effectus finis?

Pro resolutione suppono ex duplice capite provenire, quod actus voluntatis homini sunt necessarij, scilicet vel ex imperfecta cognitione, ut in animalibus indeliberatis & primò primis, cùm nimis voluntas ita subito fertur in objectum, ut non relinquat intellectui facultatem judicandi de bonitate vel malitia illius: vel ex perfectissima cognitione, ut in visione beatitudinem voluntas necessariò fertur in Deum clarè visum, absque deliberatione, quia objectum est summum bonum, nullamque continet rationem mali. Hac distinctione seu divisione supposita:

Respondeo, quod nulla ex prædictis actionibus fit propriè propter finem. Et quidem de primis nulla est difficultas: quia nimis intellectus non judicat an objectum illarum actionum sit dignum quod appetatur propter suam bonitatem. De secundis verò affirmant quidem Suarez, Salas, & alij, sed opposita sententia videtur probabilior. Et suaderi potest primò ex D. Thoma, afferente solum actiones humanas, supra quas voluntas habet dominium, esse effectus finis: certum autem est quod voluntas non habet dominium supra amorem beatificum.

Secundò probari potest ratione: nam causitas finis consistit in hoc quod moveat & determinet voluntatem ad sui amorem: Deus autem clarè visus non determinat voluntatem ad sui amorem; cū voluntas non sit indeterminata ad amandum Deum clarè visum, sed ex se & ex sua natura necessitata, tam quoad specificacionem (quia hic amor est amor ultimi finis, quem non potest voluntas odio habere) quam quoad exercitium, quia infinita bonitate Dei clarè visus, necessariò rapitur ad exercitium talis amoris.

Nec obstat quod intellectus cognoscat Deum habere rationem ultimi finis formaliter, & dignum esse quod propter se appetatur. Non, inquam, oblitus: Respondetur enim quod intellectus beatus non cognoscit Deum habere rationem finis formaliter respectu amoris beatifici, quasi voluntas ad illum amorem se moveat & determinet, sed solum respectu aliorum actuum: & similiiter non judicat Deum clarè visum dignum esse quod voluntas ad eum dirigit suum amorem beatificum; quia hoc est impossibile, cū sit necessariò directa seu determinata ad hunc amorem.

Dices cum Suarez: Positò intentione alicujus finis, si unicum tantum detur medium, per quod agens asservatur talis finem, tunc electio talis medij est necessaria & non libera, & tamen est propter finem; cū electio medij sit ex intentione finis, & strictè propter finem, ut supra diximus: Ergo quamvis aliqua actio sit necessaria, potest esse propter finem.

Respondeo distinguendo illam partem Antecedentis: electio talis medij est necessaria, secundum quid, & ex suppositione quod voluntas vellet proficisci intentionem illius finis, concedo

B

Tom. III.

Antecedens: absolutè & simpliciter, nego. Cùm A enim voluntas absolutè possit desistere ab illa intentione, manet etiam absolutè libera ad eligendum tale medium; ac proinde non mirum & ejus elec̄tio si propter finem.

ARTICVLVS III.

*An bruta operentur propter finem,
movendo se in illum?*

S. I.

Premittitur quod fere apud omnes est certum, & referuntur sententiae.

57.

SVPPONIMVS tanquam certum, bruta & omnia alia agentia naturalia aliquò modò agere propter finem.

Hæc suppositio est contra aliquos antiquos Philosophos, qui dicebant creaturas rationis expertes non agere propter finem, sed casu & fortunā. Hos autem impugnat Aristoteles 2. phys. cap. 8. & 9. probans opus naturae esse opus intelligentiæ; & non solum intellectum, sed etiam naturam agere propter finem. Idem supponit D. Thomas hic art. 2. dicens quod omnia agentia necesse est agere propter finem: idque probat ex eo quod finis sit prima omnium causarum, à qua agens determinatur ad agendum hoc potius quam illud. Colligitur etiam ex Sap. 11. ubi dicitur: *Omnia in mensura, & numero, & pondere dispositi: nomine enim ponderis intelligitur inclinatio cuiuscumque rei in finem proprium, ut explicat Augustinus lib. 1. de Genesi ad litteram cap. 3. & 4. & D. Thomas 1. p. qu. 45. art. 7.* Denique regularis & uniformis naturalium actionum cursus & ordo, quo in certos terminos tendunt, eosque ut plurimum assequuntur per media apta & proportionata, quæ à natura instituta sunt, manifestè arguit eis inesse intrinsecam aliquam finis intentionem. Nam, ut egregiè argumentatur Cicero lib. 3. de natura Deorum, si characteres litterarum, temerè projecti, historias seu annales Ennij non perficiunt; neque aliquis tam demens est, ut credat librum eruditum compositum fuisse sine fine, & casu, ex fortuita litterarum coacervatione: quis crediderit mundum, adeò pulchrum & benè ordinatum, casu esse factum; aut operationes rerum naturalium, adeò propriae conservationi & pulchritudini universi convenientes, casu & non propter finem fieri?

58.

Hoc supposito, inquirimus an bruta operentur propter finem, movendo se in illum, vel solum ex motione & directione Authoris naturæ? vel, ut alij dicunt, an bruta non solum physicè, sed etiam moraliter in finem se moveant?

Partem affirmativam tenent quidam, existentes in brutis esse aliquem usum rationis, quamvis longè imbecilliorē cō qui in hominibus reperitur, & aliquam imperfectam libertatem indifferentem, per quam in eorum potestate est in unum aut alterum locum se movere, & ex pluribus mediis illis oblatis, unum acceptare, & alia respuerere. Ita sentire videntur Plutarchus in libro quod animalia ratione utantur: Porphyrius lib. 3. de sacrificiis, ubi assertit aliquos esse homines percipientes loquelas animalium: *Vallclus in sacra physica cap. 55. Molina 1. p. qu.*

A 14. art. 3. disp. 12. ubi libertatem quandam in bruta agnoscit: Salas hic disp. 4. scđ. 4. ubi fateatur bruta cognoscere proportionem mediorum cum fine, & inter se, & judicare unum melius alio; & Arriaga in tractatu de beatitudine scđ. 5. in fine, ubi ait se docuisse in physica, bruta cligere media propter finem; neque solum bonum delectabile, sed etiam utile attingere.

S. II.

Conclusio negativa statuitur.

DIco breviter: Bruta non se movent & dirigunt in finem, operando gratiā finis, sed ad illum diriguntur & moventur ab Authore naturæ. Ita communiter docent Theologi cum D. Thoma hic art. 2. ubi sic habet: *Considerandum est quod aliquid sua actione vel motu tendit in finem duplicitate: uno modo, sicut seipsum ad finem movens, ut homo: alio modo, sicut ab alio motum ad finem; sicut sagitta tendit ad determinatum finem ex hoc quod movetur à sagittante, qui suam actionem dirigit in finem. Illa ergo que ratione habent, seipsa movent ad finem, quia habent dominium sūorum actuum per liberum arbitrium, quod est facultas voluntatis & rationis. Illa vero qua ratione carent, tendunt in finem propter naturalem inclinationem, quasi ab alio mota, non autem à seipso, cum non cognoscant rationem finis; & ideo nihil in finem ordinare possunt, sed solum in finem ab alio ordinantur. Nam tota irrationalis natura comparatur ad Deum, sicut instrumentum ad agens principale: & ideo proprium est natura irrationalis, ut tendat in finem, quasi se agens vel ducens ad finem, natura vero irrationalis, quasi ab alio acta vel ducta. Quibus verbis S. Doctor utramque partem nostræ conclusionis & docuit & probavit: primam quidem, cùm dixit, quod illa que ratione carent, cùm non cognoscant rationem finis, ideo nihil in finem ordinare possunt. Nam ut hīc ait Cajetanus, Cognoscere rationem finis, est cognoscere habitudinem finis ad id quod est ad finem: quia finis, in quantum finis, seu in ratione cause finalis ut sic, importat intrinsecè & necessariò habitudinem ad media, & ad actus qui sunt propter finem, tanquam ad proprium effectum: Sed bruta non cognoscunt habitudinem & proportionem finis cum mediis, aut mediorum cum fine; quia non habent cognitionem intellectus, sed sensus duntaxat, qui naturas rerum, & relationes ac comparationes earum non potest percipere; unde Augustinus lib. 83. questionum qu. 30. ait, quod scire quod quidquam referendum sit, non datum est rationis experibus.: Ergo bruta non cognoscunt finem formaliter, sed tantum materialiter, id est cognoscunt rem quæ est finis, non tamen rationem finis, subindeque non se movent in finem.*

Dices, in brutis esse quemdam discursum imperfectum, longè quidem imbecilliorē cō qui est in homine, per quem tamen possint cognoscere proportionem finis cum mediis, & mediorum cum fine.

Verum hæc sententia falsa & temeraria est, parumque consentanea fidei: quia esse rationale, quocumque gradu vel perfectione rationalitatis, est differentia essentialis hominis; perfectior enim vel imperfectior rationis usus, non

59.

60.